

8  
551



3.

# Prognostication oder Practica / nach Himlischer Influenz / auff das Jahr nach vnsers HERRN vnd einigen Erlösers vnd Seligmachers

JHESV Christi /  
M. D. LXVIII.

Gepredictet vnd nachgerechnet  
Durch

D. Ambrosium Wagyrum / Astro-  
nomum vnd Physicum der herlichen vnd  
löblichen Ansee Stadt Deuenter.

Mars ein Herr dieses Jahrs / Mer-  
curius sein mithelffer.



☿ ☿ ☿ ☿

G. R. Liber est. 3

Geometrische Optik  
von  
Johann Samuel Seltmann  
1751  
LXVIII  
Geometrie und Optik  
LXVIII  
Geometrie und Optik  
LXVIII  
Geometrie und Optik  
LXVIII



Small decorative elements or text fragments below the stamps.

ten / Es ist vns eine Wurffschauffel / oder  
Windweher gegeben / dadurch die lauffende hitz  
vnd brünstigkeit der verzehrenden flammen er-  
kület vnd ausgeleschet / vnd also das Fehr /  
welchs alles verzehrt / entlich gedempfft werde.  
In gleicher gestalt / heilet ein wiedriges das an-  
der / so ime entgegen ist.  
*Et sale Cerrosio refrenantur turpitudinum appetitus.*

Diesem Exempel nach tödtete der Apostel seinen  
Leib / do er also sagte : Ich lebe jetzt nicht / sonder  
der HERR Christus lebet in mir. Das ist nun  
der Krieg / darvon wir allegieren / vnd / nicht das  
wir auffrühr oder zweispalt in der gemein erwe-  
cken wollen / dann wir solchs in vnsern hand-  
lungen vnd Practiken geschewet haben / vnd  
allzeit zu guter einigkeit vnd frieden vermahnet  
vnd gedrungen. Derhalben bitte ich dieselbigen  
( missuerstendigen ) das sie mein allegiren vnd  
einführen recht / vnd nicht allein hier vnd dar et-  
liche Sententien aussziehen / sondern das ganze  
Argument mit seiner auslegung / dermassen wie  
es angezogen ist worden / verstehen wollen.

Ich hab ja / in vörigen meinen schreiben /  
alle Oberigkeiten treulich gewarnet / das sie  
sich

sich weislich solten fürsehen / damit sie den mutwilligern vnd auffrührischen mit bescheidenheit widerstehen vnd begegnen köndten / auff das die einigkeit (die in diesen zeiten vbel zuerhalten ist) möcht bestendig bleiben / vnd also gute Ordnungen vnd Policen / auch das gemeine beste zunehmen vnd wachsen köndte. Die Römer / des gleichen die Keyser / vnd fürnemmbsten des Reichs / haben in fürzeiten durch anweisung vnd vnderrichtung ihrer Weisen / kein ding mehr betrachtet / dann die verenderung in der Religion: Darzu sie die Sentenz vnd spruch Epidoclis zweiffels ohne wirdt beweget haben / do er spricht:

*Mutata Religione mutatur & regnum.*

Welchs soniel gesagt ist / Wann sich die Religion verendert / so pfleget auch gemeinlich eine verenderung des Regiments zuwerden. Die H. Aposteln vnd Martierer seind mehr verfolget vnd getödtet vmb des willen / das es sich liefs ansehen / als wolten sie ein new Religion anrichten / allein außs hass des Christlichen Namens / vnd durst der Christen Blut. Demassen auch Cicero den jennigen / so inen fragten / außs was vrsachen doch die verendringen inn der Weltlichen administration vñ Regiment sich erheben möcht?  
zur antwort

zur antwort gab : Es seind ( sagt er ) newe Red-  
ner angekomen. Welchs auch zuuor Moyses in  
seinem Cantico vnd gesang zuuerstehen hat ge-  
ben / do er spricht : Es seind newe vnd frische an-  
gekomen/etc. Deut. xxxij. Solches wird aber  
nicht zu jemand's verkleinerung noch verachtung  
vermeldet / sondern zur warnung deren / die sich  
vngereimpter weise in die Empter / darzu sie nicht  
beruffen / auch nicht gesandt sein / eindringen. Vñ  
wiewol solchs an vielen gespüret wird / so ist doch  
vnsere furnehmen nicht / dauon entlich was zu-  
schliessen / Ich wil auch hie von weiter nichts re-  
den / dann allein den jennigen / so mich aus vnuer-  
standt / doch vnuerschüldet / verachtlich angreifen  
iren mundt stopffen. Ich bin bisshier noch all-  
zeit der einigkeit vnd friedens ein liebhaber gewe-  
sen / dabey ich auch gedencck zuuerharren. Betre-  
ffende aber die gegenwertige Materij der Astro-  
nomen / auff das jertzkomende Jar / so befinden wir  
nach aller ( vorberürter Himlischen ) anleitung /  
ein sehr gewaltich Jar / wie ich das solchs inhalt  
meiner folgendē beschreibung ferrer erkleren wil.  
Demnach aber die Materi etwas schwer / vñ die  
anweisung subtil ist / so wil ich kurzlich diese Vo-  
rede beschliessen / vñ meinem alten gebrauch nach  
einen jeglichen vermanen zu guter einigkeit / vnd  
Der

B

Der

der liebe Gottes / vnd des Nechsten / Das wir  
auch in einigkeit des Glaubens vns bey ihn fin-  
den / auff das also Gott der Herr durch vnser  
wesen vnd leben mag geehret / auch alle zertren-  
nung vnd absünderung / nach der lehr S. Pault  
vermieten werden. Bitte derhalben den Vat-  
ter der liches / das er vns mit seinen gnedigen  
Augen / durch **JHESVM** Christum vnserm  
Herrn / ansehen / vnd bewaren wölle in seiner  
einigkeit / vnd von vns nehmen / die einfallende  
Irrhumb vnd Kottereyen / damit wir zugleich  
mit dem Propheten David singen mögen : Der  
eyffer deines Hauses hat mich verzeret / vnd  
die schmach deren / die dich verachten fallet auff  
mich / Psalm. lxxvii.

Hiemit wünsche ich E. F. G. eine langwe-  
rige gesundtheit / vñ glückselige Regierung in al-  
ler weisheit / Damit wir durch diesen zeitlichen  
frieden kommen mögen zu dem ewigen frieden.  
Datum den den letzten Monats tag Aprilis.  
Anno etc. **LXVII.**

E. F. G.

Gehorsamer  
Diener

D. Ambrosius  
Maghrus.  
Das



Von dem eingang der  
Sonnen in das zeichen des Widers/  
vnd von den natürlichen Regenten  
dieses Jars.

**N**achdem den Menschen nichts zu-  
handen stößt/welchs nicht aus der  
Himlichen verordnung vñ einfluss  
seinen anfang vnd vrsprung habe/  
So wil sich auch gebären/dasselbi-  
ge mit mehrerm fleiss zuerforschen  
vnd zuerwegen/ auff das man also einem jeden  
theil zur gebür gnug thu / vnd seine mass geben  
werde/ Dann alles was vns in dieser vndersten  
Welt zukömpt/ das wirdet vns von den obersten  
angezeiget / es sey fried oder zwist / franckheit  
oder gesundtheit/gleich oder vngleich : Dann die  
Harmonia vnd gleichförmigkeit der obersten  
dinge ist Gottes ordnung / durch welche er stets  
wircket / als durch sein eigen Instrument vnd  
werckzeug/ dadurch er vns seinen bevorstehen-  
den oder zukünfftigen zorn / vnd willen thut ver-  
künden vnd vermelden

✿ So ich nun angesehen hab die Revolution die-  
ses Jars / folgende den alten in dieser Kunst er-  
fahren Lehrern / Albumasar / vnd Hali Abenra-  
gel / befinde ich nach rechter aussrechnung vnd  
besichtigung aller circumstantien der figuren des  
folgenden LXVIII. Jars / so wol praeventio-  
nal als introital / das disß gegenwertig Jar ei-  
nen anfang nehmen wirdt auff den x. tag Mar-  
tij / des Morgens / xij. minuten vor der Sonnen  
auffgang : Vnd der Ascendent wirdt gefunden  
in dem xxi. grad der Fisch / Da die Sonne rüret  
den ersten grad des Widens / vñ der Mon seinen  
sitz hat in dem xiiij. grad des Lewen / Saturno  
herschende in dem xxiiij. grad Virginis. Jupiter  
zu rück tretende / lest sich sehen in dem viij. grad  
des Schützen. Mars wird angetroffen in dem  
xx. grad des Krebs. Venus aber entthelt sich im  
xiiij. grad des Wassermans. Vnd Mercurius  
in dem xvij. grad der Fisch / negst bey dem Ascen-  
denten / bey nahe mit einem vollem liecht. Das  
Drachenheupt aber durchwandert den xvj. grad  
der Wage.

In dieser weise erzeiget sich die Figur des ein-  
gangs dieses vnglückseligen Jars / welche abge-  
rechnet ist auff vnser Meridional erhöhung  
auff liij. grad weniger ij. minut. hoch sich erstre-  
ckende /

ckende/ Vnd als das zeichen des Widders strack  
folget dem Ascendent / vnd Mars ein Herr vnd  
Regent befunden wird / nach der natürlichen Re-  
uolution in dem zeichen des Krebs / durch ein ge-  
uerten schein gegen dem Ascendente / Vnd dann  
Mars / als ein triumphirender / vnuerbrend von  
einigem widerschein in beiden Figuren auch her-  
lich herfur tritt: So müssen wir inen (negst Gott)  
ordnen vnd setzen zu einem Regenten dieses Jars.  
Dieweil sich auch Mercurius in mancherley wei-  
se vnd manier erzeiget (doch nie mit sich selbst be-  
stendig) vnd mit Marte sich offtmals freundlich  
mit Aspecten beweiset / so setzen wir inen / als ein  
mithelffer zum meisten theil dieses Jars.

Wie ein wunderbare Constellation. Die  
Himlische Reuolution scheint nichts anderst / dan  
das sie zuuerstehn gibt / den grossen zorn Gottes /  
so ober vns ausgegossen sol werden. Dann das  
Saturnus befunden wirdt in dem xxiiij. grad  
der Junckfrawen / das bedeutet vns heimliche  
anschlege / Verrehteren gegen das Christlich  
Blut. Vnd Saturnus ist nirgends arger vnd  
böser / dan in dem zeichen der Jungfrawen. Das  
auch der gütig Jupiter zu rück tretende befun-  
den wirdt im viij. grad des Schützen / welchs dar  
ist sein eigen herrschafft / Vnd begreiff die sachen

B

iiij

der

der Religion. Vnd das er im viij. hauffs befunden wirdt etc. Das bedeutet vns verenderung in den Statuten / vnd der Policen / so wol im Geistlichen standt / als in den Weltlichen sachen / Vnd hieruon were wol viel zuschreiben / aber die gelegenheit der itzigen zeit thut es nicht für rathsam ansehen. Das auch der Planet Mars sich triumphirend vnd vnuerbrendt in dem xx. grad des Krebs sehen lest / solchs bedeutet Blutuergiessen des gemeinen Volcks / Dann der Krebs ist des Mondes bedeuter / welcher ober das gemeine Volck seine Wirkung hat. Wann sich die grosse Herrn rauffen / so muss der arm Man die Haar darzu leihen. Die Venus im xiiij. grad des Wassermans zeigt an / das vielerhand sachen werden fürlauffen / die doch anderst fallen sollen / dann sie in irem ansehen vnd anblick sich ereugen. Vnd irer viel sollen fallen in den graben / den sie andern zum vngesal selbst gemacht haben / etc. Mercurius in dem xvij. grad der Fisch / hart bey dem Ascendent / zeigt vns an viel list vnd behende anschlege / aber vmb seiner vnstetigkeit willen / sollen derselben wenig gerahen. Das der Mond im Lxviii. befunden wirdt / solches gibt zuuerstehen / das das gemeine Volck sol vertilget werden von der Obrigkeit: hinwieder / das sich das gemeine

meine Volck gegen ihre Oberigkeiten setzen vnd  
legen sollen. Das Haupt des Drachens stehet  
mit dem Ascendent in einer Opposition / in einem  
luftigen zeichen. Hierauff muss ich den Aristotelem  
allegiren / do er auff diese weise redet: Wir  
begeren viel mehr die ding zu wissen / welche vns  
durch etliche geringe vnd schwache vrsachen in  
ein zweiffel bringen / dann das vns bekandt sein  
vnd werden mag durch beständige vnd erhebliche  
vrsachen etc. Ich kan fürwar auß dieser Reuo-  
lution anderst nichts abnehmen / dann grosse to-  
benheit vnd wütung / zwendracht / auffruhr / das  
ein Landt wieder das ander / Auch ein Herr ge-  
gen den andern sein wirdt. Das wir den spruch  
des Philosophi wol anziehen mögen: Der fro-  
men fürnehmen wirdt offemals verhindert / von  
wegen der Sünde der bösen leutte: Derhalben  
verwundert mich / worumb doch irer viel die la-  
ster der weinigen tragen / vnd derselben ent-  
gelten müssen etc. Was für vntrew vnd Got-  
lose handlungen wirdt man gewahr werden /  
irer viel aber sollen von iren eignen tolheit ver-  
zeret werden.

Das aber Saturnus in dem anfang des  
Septembris kömpt in das zeichen der Waage /  
verlassende

verlassende die Figur des Menschen gestalt / so  
werden Saturnus / Mars vnd Mercurius ab-  
nemen / vnd das conterspil wird wenig blähen  
oder grünen. Des glückes teil steht im haus der  
widerwertigkeit vnd des zwistes / welchs Mars  
durch ein geuerten schein ansihet / solches bedeu-  
tet vns wunderliche sachen in der Religion / dan  
die trewe vnd ehre sol nicht mehr betrachtet wer-  
den. Das zeichen des Fisches ist Ascendent / be-  
sitzende das xij. haus / welchs ist oder genant  
wirdt / ein Haus der Gefengnuß / ein frew-  
de Saturni / auff Griechisch Cacodaemon /  
( der teuffel selbst ) ein determinirung der Religi-  
on / Ein zweyleibig zeichen / Flegmatisch / Sep-  
tentrionalisch / vmbestendig / ein qualitet sonder  
allē vnderscheid / vñ dabey kein glück zufinden ist.

Diss also samptlich mit grunde durchgesehn  
vnd erwogen / so könden wir nicht andersi dauon  
schreiben / dann das der zorn Gottes ober vns  
herrschen wirdt / vnd weisß nichts bessers in dieser  
widerwertigkeit zusagen / dann das wir sampt-  
lich Gott den Herrn anruffen / das er unsere  
obertrettung nicht gedenccken wölle / dann Gote  
hat die Herzen der Fürsten vnd Herrn in seiner  
handt / Er kan auch die verrettlichen anschlege-  
keren / vnd das jennige / das betracht oder erdacht  
wirdt

Wirdt zur vertilgung / das kan er zur wachfung  
machen / wie wir dann hoffen / das er vns ein  
gnedigs mittel werde zusenden / vnd vnser Sünd  
nicht mehr gedenccken / vnd wil diss Capittel  
mit Dauidis seuffzen beschliessen / also sprechen-  
de: HERR du wirst vns speisen mit dem Brode  
der threnen / vnd wirst vns zutrinccken geben ei-  
nen tranck in weynen mit voller mass / Psal. lxxix

Das Ander Capittel

Von der Wirkung der Finsternis-  
nussen / vnd andern Aspecten / etc.

**I**n diesem Jare werden wir kein Finsternis-  
nuss / weder an der Sonnen / noch dem  
Monde sehen / aber (leider) die Eclypses  
des vörigen Jars werden hefftig ire  
Wirkung beweisen / nemblich / die Finsternis der  
Sonnen / die wir gehabt haben in dem vergange-  
nem Jare / in dem zeichen des Widens / darunder  
wir alhie auch gelegen / vñ also derselben mitteil-  
hafftig sein. Diese Finsternis sol nichts guts  
mitbringen: Dann wie wir im verschiennen Jare  
dauon geschrieben haben / befinden wir / das der-  
selben Wirkung meisten theils in diesem Jar sein  
wirdt / sonderlich bey denen / die mit einigen  
Aspecten

Aspecten davon bedrauet ist worden. Vnd die  
Operation vnd Wirkung solcher der Sonnen  
verdunkelung drauet vns Kriegsrüstung / ver-  
wüstung / vnd erschreckliche Impressiones vnd  
Verenderung in der mittelsten Region des Hi-  
mels. Sie bedeutet auch viel vnglücks den gro-  
ssen Potentaten / Auch den Kriegsuewardten /  
als Obristen vñ Hauptleuten : viel Herrn sollen  
verrahten vnd oberlieffert werden / vnd vber all  
ander vnglück vnd elend / werden sie durch verre-  
terey / vnd ire eigene vnachtsambkeit von den feind-  
den erbarmlich erwürget werden. O Deutsch-  
land / dein glantz kömpt nun an den tanz / vnd  
deine Regalien sollen vertheilet werden / Deine  
Herrn vnd Fürsten sollen gegen einander auff-  
stehen / vnd durch das mittel sollen die frembden  
deinen Raub wegnehmen. Wolten deine Für-  
sten noch verstehn / was Daniel geschrieben hat /  
so köndten sie ir beuorstehend vnglück selbst erme-  
ssen / vnd das abwenden / aber die sachen seind  
nun noch für iren Augen verborgen.

Vber diese Wirkung haben wir noch viel bö-  
se Aspecten / durch welche der giftig Mars viel  
grosse Potentaten sol zu zweytracht erwecken vnd  
bewegen / das also der Fried dis Jar nicht sol zu-  
finden sein / Gott bessere es.

Vnd



Vnd zum <sup>ersten</sup> 1/ so sollen wir haben die Opposition oder gegenschein Martis vnd der Sonnen/auff den viij. tag Januarij/ Welchs bedeutet ein erregung vnd bewegnuß der Obrigkeit / ein verheerung der Regalien/ brechung der verbundtussen/ vnd ein zerstörung allerhandt guts gehorsams: Rauben vnd nehmen wirdt gangbar sein / das sich auch der Wirt für dem Gast / vnd der Gast für dem Wirt fürzusehen hat. Das getünnete Bier wirdt seinen gest tapper ausstoßen/ das es besser were / das es in die Tunnen nicht gefasset were worden.

Zum Andern/haben wir die Opposition der Sonnen vnd Saturni/auff den iij. tag Martij/ Die zeigt klar an/ das viel verdecktliche versamlungen/ vnd heimliche verbundtussen sein werden: Sie sollen aber nicht alle fallen / wie etliche meinen vnd hoffen.

Zum Dritten/haben wir ein gegenschein der Sonnen vnd Jouis / auff den xiiij. tag Maij. So wir nun ansehen / was für Aspecte sich vns erzeigen/ befindet sich / das die Sonne sich entgegen setzt den dreien Obersten Planeten / Das weist auß / das die Geistliche Prelaten abgetheilet sich widersetzen werden den Weltlichen Fürsten.

S ij

Zum

Zum Vierten / haben wir ein geuerten schein  
oder Aspect Jouis vnd Martis / den viij. tag Ju-  
nij. Darnach vñ zum fünfften / frigen wir die seer  
erschreckliche zusammenfügung Saturni vñ Mar-  
tis / in ein Menschlichen bild vñ zeichen / auff den  
xvj. Julij. hie wils erst gelten / vnd sol der Bock  
seine hörner verliren / vñ viel Leuen sollen dz be-  
clagen / sagende : Die frewd vnseres Herzen hat  
abgenommen / vnser gesang ist verwandelt in ein  
heulen / die Kron vnseres Hauptes ist vns entfal-  
len : weh vns / dann wir haben böses gethan / etc.

Zum Sechsten / kömpt vns die Coniunction  
der Sonnen vnd Saturni den xiiij. Septembris /  
in welchem Monat sich vij. Coniunctiones erzei-  
gen werden / die zum theil gutt / vnd zum theil  
böses seind / doch sollen die gutten die bösen über-  
winden. Vnd man sol spüren / das die giftigkeit  
vnd das Blutuergiessen im Herbst sich ein wei-  
nig lindern wirdt / Wiewol die sache noch nicht  
genzlich zum vertrag kommen sol.

Alle diese Aspecten drawen vns auch mit  
theurer zeit / Pestilenz / Krieg vnd vnfried / mit  
Tyranney / vngnad / vergewaltigung / vnd der-  
gleichen. Derhalben vermane ich alle Christen /  
das sie eintrechtiglich den HERN wöllen anru-  
ffen / dann Gott ist gnedig / bey ime ist vergebung  
der

der Sünden / bey jme ist alle gütigkeit zubefin-  
den. Darumb sagt der Prophet: Die Erde ist  
seiner gnaden vol/ jr wöllet ewr vertrauen nicht  
setzen auff die grossen Herrn vnd Fürsten / noch  
auff der Menschen Kinder/ Sondern vertrauet  
auff den HERN/ vnd erwartet seiner gütigkeit.  
Christus tröstet vns auch mit den Worten: Ir  
wöllet nicht fürchten/ die den Leichnam tödten /  
aber fürchtet den/ die die Seele ewiglich verdamm-  
men kan/ etc. ungezweiffelt / Gott werde sein  
gütigkeit ober vns beweisen. Vnd wir wöllen  
bitten / das er die Herzen der hohen Potentaten  
bewege/ das sie auch die Rache Gott geben/ vnd  
sparen das Christen Blut / vnd vergeben vns  
vnser missethaten vnd ungehorsamkeit / gleich  
sie auch von Gott begeren/ das jnen selbst gesche-  
hen vnd wiederfahren sol. Solten wir alle ge-  
strafft werden nach vnser obertrettung/ wer wür-  
de dann frey sein? Die Himlische Influenz vnd  
anzeigung kan Gott bessern / dann sie stehen al-  
lein in seinen Henden: Wir aber müssen bitten/  
das er gnediglich wol oberhin gehen lassen/ was  
vns seine mittel vermelden vnd verkündigen. Vñ  
wil mit Dauidis Worten dis Cap. beschliessen/  
sagende: Stehe auff/ O Herr Gott / vnd deine  
handt werde erhöhet/ auff das du der Armen nit  
vergessst

vergesset. Dann O HERR dir allein ist der  
arm verlassen / vnd du wirst des Vatterlosen  
Weysen hülff vnd trost sein. Psalm. ix.

Das Dritte Capittel.

Von allerley Kranckheiten / die  
diss Jar am meisten regieren sollen.

**E**s ist seer viel daran gelegē / auch darauff  
gutte achtung vnd auffmerckens zuge-  
ben / zu was stunde einem jeden die fran-  
ckheiten anstossen / Ob auch zu der zeit  
die Planeten in irem auffgang güetig erscheinen /  
oder das mittel des Himmels innenhaben / dann  
do sie also befunden werden / so erzeigen sie den  
abgenommenen krefften mehr hülff / dann etwann  
sonsten der berümpfte Arzt thun möchte: Derhal-  
ben sol man den tag vnd stunde ( der franckheit )  
mit fleiss erforschen / vnd nach aller gelegenheit  
des Himmels erwegen / vnd sich darnach richten.  
Solchs hat auch Hermes Trismegistus in sei-  
nem Buch / Patromathematica genant / vermel-  
det: Desgleichen Verdingus in einem Buch /  
darinnen er die Medicin mit der Astronomen ap-  
plicirt / vnd zusammen stümmet. Auß sonderli-  
cher vrsach ziehe ich diesen Sentenz an / dann  
durch

Durch die Astronomie kan man die gelegenheit  
der Franckheit erkennen / vnd mehrmals mit ei-  
nem schlechten Dieta / vnd guter teglichen Ord-  
nung mehr ausrichten / als durch viel zusam-  
men gesetzte ding der Arzneyen. Derhalben  
saget auch der Philosophus: Ein jeglicher  
Arzt / der nicht ein Astronomus ist / der soll  
kein Medicus / sondern ein verführer genant  
werden etc.

Wann ich nun ansehe das Haus der Franck-  
heit / so befinden wir den Mond aldar in dem  
zeichen des Veren / dauon Mars auch nicht  
weit ist / vnd Saturnus hart dabey / Das be-  
deutet vns hitzige Fieber / Brustfranckheiten /  
das Hertzspann / Pestilentz / Halswehe / viel  
Apoplexy: Es sollen auch viel Menschen ge-  
plaget werden von Melancoley / dadurch sie  
fallen sollen in Wassersüchtigkeit.

Die Figur des einganges vom Sommer  
felt in den Stier / da sich keiner der Planeten  
erzeiget oder sehen lest / Solchs bezeichnet pei-  
ne des Haupts / schaden an der gedechtnus /  
als die Popelis / abwikzigkeit / Squinantia / Ga-  
tharren / vnd andere flüsse / Anginen etc. die  
sich zu der Schwindtsucht ziehen thun.

Die

Die Figur Introital des Herbstes felt in dem  
Ascendent dieses Jars / in dem gegenschein Vene-  
ris vnd Mercurij / mittheilhaftig in der Oppo-  
sition Solis vnd Saturni / durch ein geuerten  
Aspect gegen dem Mond. Diss samptlich weist  
aus / wunderliche impressiones vnd verendrun-  
gen in der lufft / viel fewrige zeichen in frembder  
gestalt / darob sich viel leutte erschrecken werden /  
Pestilenzien / hastige vnd geschwinde franckhei-  
ten sol man diss Jar am meisten gewahr werden  
vnd erfahren: Darzu den Bluthganck / vnd an-  
dere flüsse / Auch viel Coliken.

Die Figur des Winters ist zugethan dem  
Krebs / auch in der Opposition Veneris vñ Mer-  
curij / durch ein geuerten gegen dem Jupiter.  
Diss weist aus trage franckheiten / als Fieber  
quartan / Schwindsucht / Wassersucht / vnd  
Brust franckheiten.

Vnd in Summa / es wirdt Gott kriegen mit  
vielen franckheiten / vnd die Menschen mit Blut-  
dürstiger tobenheit / Des mögen wir wol schrei-  
ben vnd singen mit dem David: Es ist kein  
gesundtheit in allem meinem Fleische / vor dem  
amblick deines zorns: Es ist kein friede in mei-  
nem gebeinten / so ich in meine Sünde sehe.  
Psalm. xxxvij.

Das

Das Vierte Capittel.

Von Krieg vnd Unfried / ins  
gemein vnd besondert / etc.

**W**ann Mars stehet in der grössern Con-  
iunction / so bezeichnet er hader vñ streit /  
wiedertwertigkeit vnd auffrhur / fürnem-  
lich aber / wann er sich dem Joui zufüget /  
wie in den verschiennen Jaren geschehen ist / wel-  
cher Wirkung sich in diesem Jare am meisten er-  
zeigen wirdet / ob er sich gleich wol auch dem  
Saturno zufindet / wie in diesem lxxviii. Jar.  
*Causa effectus imminet in diuisione terræ, quæ sunt di-  
uisiones illius signi, ad quod venit applicatio: Et cum  
regni dominator in locum climitericum inciderit, tunc  
aut princeps regni, aut quispiam magnus morietur.*

Das ist / Die Wirkung vnd effect solcher Con-  
stellation lencket vnd ziehet sich / auff die theil des  
Erdreichs / darnach er vnder das zeichen felt vnd  
ausgetheilet ist / darauff sich die rechte Applicati-  
on fügen thut: Vnd so der Dominator oder  
Planet vñ zeichen / eines Reichs / Fürstenthumbs  
vnd Landes in die Climaterische stett / darunder  
solch Landt gelegen ist / einfellet / So gibt es die  
bedeutung / das der Fürst vnd Herr desselben  
Reichs oder sonst ein fürnehmer des Landes /  
mit Todte abgehen wirdet.

D

Diesen

Diesen Sententz erhole ich darumb / das  
in diesem Jar viel grosser Heupter hingehen sol-  
len / vnd der meiste theil durch jr eigen wühten  
vnd tobenheit. Derenthalben mag ein jeder  
Fürst vñ Potentat seine gelarten Raths fragen /  
ob jr Ascendent auch jren Climacericum anrü-  
ret / oder Mars ein bedenter desselben. Nichts  
destoweiniger / So werden gleichwol jrer viel  
durch Martis hendel hingenommen werden /  
wie wir auch befinden / das jrer viel hinziehen  
werden an heissen Cholerischen Kranckheiten.  
In Summa / wann man zusammen fasset alle  
aufstheilung vnd ombstendt / So befinden wir  
ein Jar / das mit dem Blut sol besiegelt werden:  
Gott gebe seine gnad / damit die erscheinung vñ  
anblick nicht alle zum vortgancß gelangen vñ  
gerahen mögen: Es kömpt wol / das einem gro-  
ssen vnd gewaltigen Regenten vnd Dominatori  
von dem kleinen gedrawet wirdt / wie wir in den  
Fabeln von dem Zoue vnd den Hornussen oder  
Hummeln / lesen. Ungehindert dessen wil ich  
in gemein etliche anzeigungen thun.

Zun ersten / wirdt in Deutschlandt ein gro-  
sser zancß vnd zwist sein: Vnd der Kauten Krankz  
wirdt sein selbst last tragen. Es bedeutet  
vns auch allerley selkamer vnd frembder zeit die  
auffgebung



auffgebung Gota: Worauff wir vnserre Figu-  
ren vnd Directiones sonderlich geordiniert vnd  
gestellet haben. Darüber die jennigen / so solchs  
angehet ire gelarten Ratfragen könden. Es ist  
mir auch nicht gelegen weiter dauon zuschreiben /  
Sondern ich wil vortfahren nach meinem fürne-  
men: Der Raub / dar ich für dieser zeit wol  
habe von geschrieben / der wirdt nun zur zeit  
vmbgetheilet werden: Dann die anzeigung  
wirdt solchs nicht lang verziehen / demnach sich  
Mercurius so wanckelhafftig gegen Martem er-  
zeiget. Vnd gleich / wie ich solchs in dem vörigen  
Jar in diesem Capittel vermeldet hab / also wirdt  
es auch in diesem Jar vortgehen / etc.

Die Türcken / vngleubigen vnd Vnchristen  
werden auch nicht ruhen: dann die Victoria sie-  
het wunderbar in iren anzeigungen.

Sachsen sol nicht frey außgehen / vnd an-  
dere mehr Fürsten des Reichs sollen vndereinan-  
der zwist haben. Wann das Haus inwendig  
brennet / wer kan es dann lesschen.

Es sollen auch viel verbündnussen gemacht  
vnd auffgerichtet / aber wenig gehalten werden.  
Ein jeglicher suchet sich selbst / so bleibet nie-  
mandt verloren.

D ij Zwischen

Zwischen Frankreich vnd Engellandt wird  
sichs auch anlassen zur zwenrucht / aber wenig  
wirdt erfolgen. Dann falscheit vnd arglistigkeit  
wirdt nun souiel anrichten / das man nicht wissen  
wirdt / wornach man sich richten sol. Vnd so lang  
der Mundt redet wieder des Herzen grundt / so  
ist niemands mehr zuuertrauen. Was istis doch  
jetzt anderst / dann wie vns der Prophet lehret :  
Die Fürsten seind mit auffgehungen handen :  
Das angezicht der alten ist nicht roth geworden /  
oder / hat sich nichts geschemet. Ich darff hieben  
insoderheit nichts erzelen / dann niemands sol  
des elendes frey sein. Siegel vnd brieff / Rega-  
lien / Festungen / sollen nichts helfen. Der hundt  
sol am ledder / das er gefressen hat / ersticken. Gu-  
te gesetz vnd ordnungen müssen in ruhe stehen /  
wann Spiesse / Büchsen / vnd Hellebarten her-  
für kommen / Oder / wann sonst angst vnd trübsal  
fürhanden ist / nach den gemeinen sprichworten :  
Derhalben ist vnser Hertz betrübt vnd trawrig  
worden / vnd unsere Augen seind verdunckelt /  
wegen des Bergs Sion / welcher wüst ist / vnd  
Füchse wandern darauff / etc. Was sol ich nun  
anderst hie von schreiben / dann was die ordentli-  
che außrechnung zuuersehen gibt vnd anzeiget.  
Allein wil ich nicht vorbey gehen / das wir  
eine

eine gute Apparentz vnd anzeigung haben / das  
Jupiter vnd Venus sich friedlich vnd gütlich mit  
einander sehn lassen / Darauß zuuermuhten /  
auch sein vnd geschehen kan / das sich viel sachen  
besser im ende ergehen werden / dann wie sie sich  
erstlich anlassen.

Summa / ein jeglicher mag seine vbertret-  
tung betrachten / vnd bitten Gott / das sich das  
schreckliche ansehen des Gestirns etwas gelinder  
vnd gnediger erzeige. Vnd wil disß Capittel  
mit dem David beschliessen / sagende: Sie aber  
stehen vergebens nach meiner Seel: Derwegen  
werden sie vnder die Erden hinunter fahren vnd  
gestossen werden. Sie werden in die gewaltige  
handt des Schwerds fallen / den Füchsen vnd  
Bluthdürstigen Thieren zur außbeut Komē.  
Aber der König wirdt sich in seinem Gott höch-  
lich erfreuen / desgleichen alle die / so auff ine /  
vnd sein Wort schweret: Der Mundt aber der  
lügenmeuler sol verstofft werden. Psal: LXII.

Das Fünffte Capittel.

Von allerley Fruchtbarkeit / in  
gemein vnd insonderheit.

D iij

Wann

**SS** Wann sichs zutregt / das Saturnus ein  
Herr wirdt in einer Coniunction oder  
praeuention / durch eine Körperliche zu-  
nahrung vñ application / vnd so der Herr  
der quart vbel angesehen vñ angeblasen wird / ent-  
weder vom Mercurio oder Saturno / dazu man  
auch ansehen sol / den Herrn des Ascendents  
vnd den Mond. Vnd so der sterckste vnder jnen  
sich verfügen wirdt dem Planeten / welcher im  
Ascendente oder im mittel des Himmels ist / So  
bedeutet solchs thewre zeit. Wann dann Satur-  
nus noch darzu kömpt / so pflegen die Früchte /  
von wegen der kelte / auch Reiffs vnd Nebel hal-  
ben / schaden zunehmen. Kömpt aber der Planet  
Mars ( wie in diesem Jar ) darzu / so geschicht  
solchs von wegen grosser truckenheit. Do sich  
aber Mercurius erzeiget / so leidet die Frucht /  
durch grosse plaz vnd andere viel Regen / schaden  
vnd nachteil. Darzu auch weiter angesehen den  
Standt oder Station Saturni vnd Veneris /  
samt allen andern argumenten vnd anzeigun-  
gen / So befinden wir viel verhindrungen an der  
fruchtbarkeit / gleichwol nicht durch alle Lande in  
gemein / sondern an den örtern / welche mit dem  
Ascendent participiren.

Vnd

Vnd in Summa/ das gewechse sol sich schön  
erzeigen vnd sehen lassen/ aber durch truckenheit  
vnd Keiff wirdt es an viel örten gehindert wer-  
den. Die frühe sehen / vnd haben niedrige oder  
lege Lande/ die werden es disz Jar am besten ha-  
ben/ Ursach ist/ das die fewrige vnd hitzige Tri-  
plicitet disz Jar am meisten in irer krafft erschei-  
nen thut.

Vnd wirdt am meisten gedrawet mit miss-  
wachsung/ der Schlesie/ Sachsen / Düringen /  
Meissen vnd Hessen / auch etlichen örtern am  
Rhein liggende.

Hollandt/ Frieslant/ Flandern/ Seeland/  
auch etliche Lande nach Mitternacht liggende /  
sollen sich zimlich des wachsthumbs berühmen.

Vnd anfenglich/ die Früchte Saturni / als  
dar ist/ alles was in die Erde gesehet wirdt/ disz  
sol hindernuss leiden / von wegen grosser tru-  
ckenheit / aber solchs mehr in dem Oberlandt /  
vnd die nach dem Osten gelegen seind / als hier  
zu Lande. Welchs herkömpt von der Partici-  
pation des Ascendents.

Zum Andern / So werden die Früchte  
Veneris / als die Berrin Früchte / darein auch der  
Weinstock mitgerechnet ist / disz Jar gutt  
vnd viel sein / gleichwol wirdt des Weins nicht  
so oberflüssig

so oberflüssig viel sein / als im verlauffenen Jar /  
aber doch wirdet er dis Jar sehr gutt sein.  
Dys / des gleichen aller süßen frucht / als Feigen  
Kosin etc. wirdt auch viel vnd gutt werden. Die  
Speceren sol thewr sein vnd wenig.

Honigs vnd Butter gnugsam.

Souiel das Vihe / als Ochsen / Kühe / vnd  
der gleichen angehet / damit sol es redlich sein / al-  
lein im Sommer wird inen gedrawet / wegen gro-  
ßer hitz vnd truckenheit : Es wirdt sein ein sehr  
gutt Schaff Jar : Alles Wildwerck oder wilde  
Thier sollen sehr wol gedeyen. Die Schweine  
werden auch ein gutt Jar haben / vnd gute Mast.

Wir vermelden wol die natürliche Influentz /  
So lest vns auch Gott offtmals seine gaben se-  
hen / er nimpt sie aber wieder weg. Daran ein je-  
der mercken kan / das seine macht (durch solche an-  
zeigung) nicht verkurzet ist / Sondern er kennet  
vns vnwürdig / das wir seiner gnaden genießen  
sollen etc. Ein böß Fisch Jar wirdt sein vmb der  
truckenheit willen / so sol auch das Fischwerck dis  
Jar nicht wol gedeyen. Warlich Gott sibet an  
der Menschen handlung / vnd wie ein jeder in sei-  
ner nahrung ein Dieb ist / vnd das wir aller ga-  
ben Gottes also vbel missbrauchen / vnd suchen  
vnsern geiz mit wucher / vñ mit verkauffen. Der-  
halben

halben dann vnd vmb solcher vrsachen vnd miss-  
brauchs willen / Gott vns allzumit thewrer zeit  
zusendet / auff das wir dadurch seine mechtige  
handt lernen erkennen. Beschliesslich / so soll  
vns dis Jar notturstt gnug geben. Lasset vns  
nur Gott den HERN / wegen seiner gütigkeit /  
dancken / vnd sagen mit David: Der HER  
wirdt gewisslich seine gütigkeit vns sehen lassen /  
vnd vnser Landt wirdt seine gewechs vnd frü-  
chte geben. Psalm. lxxiiij.

Das Sechste Capittel.

## Von den hohen Potentaten die- ser Welt / in gemein.

**I**n vergangenem Jar hab ich gnugsam  
bedeutet / aus welchen anleitungen man  
von den hohen Potentaten Prognostici-  
ren kan / Derowegen ist nicht nötig  
solche lange Materij wieder zuerholen / Aber  
nach der Reuolution dieses Jars / so wirdt vie-  
len Potentaten vnd Fürsten gedrawet mit ab-  
gang / zum theil durch franckheit / zum theil  
durch Martis oder Krieges hantirung. Vnd  
es sollen auch alle hohe Obrigkeiten in gemein  
ein mühseliges Jar erlangen vnd haben / allein  
E Das der

Das der Herbst diese sachen etwas lindern möchte /  
Aber von etlichen insonderheit hie von etwas an-  
zuzeigen / sag ich / Das ein jeder seines thuns  
selbst warnheimen wölle / Darumb wil ich nach  
altem gebrauch / etlichen Potentaten vnd Für-  
sten vnderchiedlich ein wenig vermelden.

Erstlich / so wirdt die Röm. Kay. May.  
nach seiner geburt vnd Horoscopo / ein müheselig  
vnd lastig Jar bekommen / wegen des Reichs /  
auch S. May. eigene Königreichen vnd Herr-  
schafften. Die gesundtheit aber anlangende /  
darinnen sol J. Kay. May. keinen mangel spü-  
ren. Vnd ich wil J. May. mit Dauidis wor-  
ten krönen: Meine barmherzigkeit wil ich nicht  
von ime zerstreuen oder wenden: Meine war-  
heit sol ime auch nicht schedlich sein / etc. Psal.  
Lxxviii.

Zum andern / so sol die Kön. May. zu Hi-  
spanien / nach J. M. bedeutung inn allen dingen  
zimblich wol passiren / auch zu frieden geneigt  
sein / wiewol solchs durchaus nicht bestendig  
wirdt bleiben. Vñ sol J. M. mit Dauidis spruch  
geehret werden: Die Könige der heerscharen  
seind vndereinander freunde / vnd die Haussehre  
theilet den Raub außs. Psalm. lxxv.

Zum



Zum Dritten/ so wirdt die Kön. Wirde in  
Francreich/ nach derselben Revolution inn ge-  
sundtheit wol passiren / Aber mit vieler mühe /  
durch wiederwertige behende anstiftung vnd  
Kriegshendeln / an den Frontiren/ beladen sein  
vnd gewahr werden / Darumb S. K. W. mit  
David wol singen mag : Viel Hunde haben  
mich ombgeben / vnd der bösen vnd lesterer  
Kotte hat sich omb mich hero gemacht / etc.  
Psalm. xxi.

Zum Vierten/ so sol der Durchlechtig vnd  
Hochgeborner Fürst vnd Herr/ H. Heinrich der  
Jünger/ Herzog zu Braunschweig vnd Lüne-  
burg/ etc. mein Gnedigster Fürst vnd Herr/ nach  
aussführung S. F. G. Revolution (die negst  
auff den tag Martini angefangen ist) in gesunt-  
heit wol blühen vnd grünen / vnd wirdt sehen  
viel anschlege / dar S. F. G. oftmals nach  
verlanget vnd gewünschet hat/ Vnd sol herlich  
mit David mögen singen: Ich werde noch inn  
meinem alter oberflüssig blühen vnd frisch sein /  
auff das ich verkündige / das der HERR so from  
vnd gütig ist / etc. Psalm. xxi.

Zum Fünfften / sol auch der Durchlechtig  
vnd Hochgeborner Fürst etc. Wilhelmus / Her-  
zog zu Süllich / etc. nach anzeig S. F. G.  
E ij Revolution

Revolution/ so sich letztmals im vergangenen  
Julio angefangen / gesundheit halben kein man-  
gel haben / wiewol andere sachen nicht alle zum  
aufstrag gereichen werden / Derhalben es viel  
besser were / alle ding anderst anzustellen / dann  
in dem verschienen Jar. Darumb wirdt S. F.  
G. mit David singen: Mein Gott / von mei-  
ner jugendt auff hastu mich gelehret / vnd von  
nun an wil ich deine wunderwerck aussreden.  
Psalm. lxx.

Zum Sechsten / So wirdt auch der Hoch-  
würdigster Fürst vnd Herr H. Johannes / be-  
stättigter zu Münster vnd Osnabruck / Graff  
zur Hoya etc. nach aussführung S. F. G. As-  
cendents in guter gesundheit / aber gleichwol  
nicht gar im friede vnd ruhe leben / vnd sol mit  
dem David singen: HERR strecke deine handt  
auss ober den Man deiner Rechten / vnd ober  
den Sohn des Menschen / den du dir festiglich  
erwelet hast. Psalm. lxxix.

Zum Siebenden / müssen wir der zwo  
Kronen nach dem Norden nicht vergessen. Weil  
dann ire beide Ascendents im zukünfftigen Se-  
ptembri frey werden von Saturno / so ist wei-  
nig zweiffel / dar wirdt zwischen jnen fried ge-  
troffen

eroffen werden / aber irer viel sollen des nicht  
lachen / vnd Dauidis gesang wirdt an diesen  
beiden bewiesen werden: Ewre stralen vnd  
Pfeile seind vorbey gangen / vnd der schall ewres  
Donnern hat sich gewandt / wie ein Ratt.  
Psalm. lxxvj.

Die Kron von Polen soll etwas selzams  
anrichten / vnd zum theil Victori vnd Sieg er-  
langen / auch in gutter gesundtheit stehen.

Letzlich sol auch Engelandt mit friede nicht  
gedienet werden / Doch sol das anstellen sich  
größer erzeigen / als das werck vnd die that /  
Gleich wie auch in Schottlandt.

Die Reiche vnd Lande nach dem Westert  
gelegen / sollen in guttem fried vnd Ehren schwe-  
ben / Vnd wöllen diss Capittel mit Dauidis  
gesang beschliessen: HERR errette vns fur  
dem böshafftigen Schwerdt. Psalm. cxliij.

Das Siebende Capittel.  
Von allen Stenden /  
in gemein.

E iij

Als

**D**Es wir nun etliche Jar zuuor gnug-  
sam in vnser sprach/die vij. Planeten  
mit iren eigenschafften/wirkungen/  
vnd vnderthonen/auszgelegt haben/  
so wollen wir solchs abermals kurz-  
lich verrichten vnd verstendigen: dan  
aus den alten Practiken kan ein jeder selbst mer-  
cken / welchem Planeten er zugehörig sey/ wie  
solchs seine affecten vnd zuneigung sine zuuerste-  
hen geben.

Vnd solchem zusolge sagen wir / das Sa-  
turnus Kindre in diesem Jar redlich passiren /  
vnd in vielen iren sachen glückselig sein sollen.

Jouis Kinder / sollen sich zur Reformation  
geben / darneben auch fülen die bande / dar sie ein  
andern gedachten mit zu behmen vnd zuzwingen.

Martis Kinder / sollen an allen örtern gnug  
zuthun vnd zuschaffen bekommen / aber irer viel  
werdens mit dem Blut bezalen / Etlichen aber/  
den werden ire Practiken vnd anschleg feilen / vñ  
werden sich nicht alle dieses Jars gleich sehr be-  
dancken können.

Solis

Solis Kinder / sollen mit grosser mühe vnd  
schwarheit getrennet werden / wie von den gros-  
ssen Potentaten vorhin gnugsam geschrieben ist.

Venus Kinder / sollen disz Jar am besten ste-  
hen vnd fahren / außgenommen schwangere Fra-  
wen / die sollen biss in den Septembri ettwas  
mangel haben in der geburt / vrsach / das Satur-  
nus seinen sitz hat in dem zeichen Virginis.

Die Kinder Mercurij / werden nicht viel ge-  
lücks bekomen / vnd viel sollen in irer listigkeit er-  
liggen. Welche Saturnum durch ein geuierten  
schein in irem Horoscopo ansehen.

Des Mondes Kinder / sollen mit auffruhr  
bemühet werden / vnd irer viel sollen es ( leider  
Gott erbarmis ) mit irem Blut bezalen. Der  
Prophet Daniel sagt : Wann die / so im Nieder-  
gang wohnen / den im Orient nachtrachten / So  
werden alle Herzen sich regen vnd erheben / dan  
der HERR wil sie schrecken. Als dann Daniel  
vns die zeit in Figur weise verkündet / vnd wie  
lang es sein vnd stehen sol : So müssen wir auch  
Gottes straff / wegen vnserer missethat / gedültig-  
lich tragen / vnd sagen mit dem David : Vnser  
Hertz ist worden / wie ein fließendes vnd rinnen-  
des Wachss. Psalm. cj.

Das

Das Achte Capittel.

Von etlichen Stedten vnd  
Landen / in gemein.

**D**ann ist gutt auffsehens zuhaben/  
wan des Nechsten Hauss brennet.  
Diss wil ich zum ersten vnseren  
Stetten zubetrachten geben / dann  
die Geißel wirdt niemands spa-  
ren / Sondern ein jeder wirdt der trübselig-  
keit mit theilhaftig werden.

Vnd zum ersten / so soll die weitberümpfte  
herliche vnd Keyserfrenhe Anse Stadt Deuenter/  
samt mit den Landen vnd Stedten von der  
Ober Isel / In gleichem Gröningen vnd Friesz-  
landt / Gelderlandt / vnd mehr anstossende  
Grenzen / mit vieler mühe zuthun haben.

Weisheit ist nötig / das ein jeglicher sei-  
ner Regalien vnd Freyheiten in gutter acht ha-  
be / Dann der eine sol vber des andern vnge-  
fall nicht verhoffen zulachen / Sonder ein jeder  
sol mit sich selbst gnug zuthun haben / Das  
wir also samptlich mit David wol mögen sagen :

HEX

HEr du hast deinem Volck hartes erzeiget /  
vnd vns zutrinken geben den Wein voller be-  
kümmernuß. Psalm. lix.

Zum Andern / so sol Anttorff / die berüm-  
pte Kauffstadt / nach vermeldung des Ascen-  
dents / zusamt Brabandt / Flandern vnd  
Seelandt / auch die angrenzende örter / dieses  
elendes nicht frey noch oberhaben sein. Vnd  
die verendrung / so Gott verhenget / werden  
die Niederlande zu nicht machen / vnd frembde  
Völcker sollen sie verhergen / Darumb sie mit  
dem David klagen: Die wilden Schwein  
haben vns außgewölet / vnd die wilden Thier  
haben vns auffgezeret. Psalm. lxxix.

Zum Dritten / so wirdt auch die beruffene  
Kauffstadt Amsterdām / mit Hollandt nicht  
frey sein von diesem leiden / verderbung vnd  
verwüstung. Wo ferne aber die hohen Po-  
tentaten mit den Vnderthonen gnedig umbge-  
hen wolten / gleich wie sie von Gott auch bege-  
rende sein / So möchten die Stedte wiederumb  
zurecht kommen. Es sol aber ein jeder Buß  
thun / so verhoffte ich / die hohen Heupter  
würden

würden auch der gutthertzigkeit fürsichtiglich  
gedencken / vnd gnad beweisen. Biewol zu-  
besorgen ist / das sich der handel ohne Blutuer-  
giessen nicht stillen werde. Vnd jr möget auch  
mit dem David weinen vnd sagen. **HERR**  
du hast vns heimgesucht / vnd versucht an dem  
Wasser der wiederwertigkeit vnd wiederrede.  
Psalm. lxxx.

Zum Vierten / so sol die treffliche Reichs  
Stadt Cöln am Rhein / mit iren grenzen inn  
redlichem gutten Stande stehen / vnd in allen  
sachen glücklich verfahren: Allein sie sehe zu /  
das sie weislich handele / vnd dem Berretter  
nicht zuviel vertrau / vnd mehne / das sie der  
sachen ganz frey sey. Vnd sie mag den spruch  
Dauidis wol mit grunde erwegen. Der  
Mensch / als er in ehren war / so hat er dassel-  
big nicht erkennen wollen / etc. Psalm. xlviii.

Zum letzten / so sol das sehr eddle Stifte  
Münster / vnd das alte herliche Stifte Osna-  
bruck / nach iren Ascendenten / in guttem fried  
blühen / Allein das sie von der Pestilentz vnd  
andern Kranckheiten nicht frey sein. Es werden  
auch



auch inen angezeiget etliche versamblungen an  
iren grenzen / Aber die regierende weisheit  
kan solchs wol abwenden. Dergleichen sollen  
auch Bremen / Minden / Paderborn darauff  
verwarnet sein / vnd andere Stedte mehr. Vnd  
ich gebe inen samptlich den Verss Davids  
zusingen: Ich hab an die lang ver=  
lauffene zeit vnd tage gedacht /  
alle deine thaten hab ich  
betrachtet: Ich wil  
mich mit den  
wercken deiner  
Hende bekümmern.  
Psalm. cxlij.

E N D E

Gott allein die Ehr.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.




AB 154 551

ULB Halle 3  
002 373 165



s. 6.






3.

**Prognostication oder  
Practica / nach Himlischer Influenz / auff das Jahr nach unsers HERN und  
einigen Erlösers und Seligmachers  
JHESV Christi /  
M. D. LXVIII.**

GepRACTICIRET vnd nachgerechnet  
Durch

**D. Ambrosium Wagyrum / Astro-  
nomum vnd Physicum der herlichen vnd  
löblichen Ansee Stadt Deuenter.**

Mars ein Herr dieses Jahrs / Mer-  
curius sein mithelffer.



*G. R. Liber est. 3*